

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 09-49-24500/15  
Sarajevo, 02.02.2016. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 200. Zakona o upravnom postupku ("Službene novine Federacije BiH", br. 2/98 i 48/99), te člana 14. stav 2. tačka 1. Pravilnika o nabavci roba, vršenju usluga i ustupanju radova, br. 09-05-26263/15 od 27.11.2015. godine, u predmetu – Nabavka agregata za alternativno napajanje električnom energijom operativnog centra i sjedišta zgrade Civilne zaštite, objavljenom na Portalu javnih nabavki, broj obavještenja 422-7-1-252-3-104/15 od 06.11.2015. godine, na preporuku Komisije za javne nabavke roba i usluga broj 09-49-24500/15 od 27.01.2016. godine, Općinski načelnik, donosi

### **ODLUKU**

1. Prihvata se ponuda «BAUCOMMERC» d.o.o. Sarajevo, u predmetu nabavke – Nabavka agregata za alternativno napajanje električnom energijom operativnog centra i sjedišta zgrade Civilne zaštite, dostavljene u konkurentskom postupku objavljenom na Portalu javnih nabavki, broj obavještenja 422-7-1-252-3-104/15 od 06.11.2015. godine, u ukupnom iznosu od 31.356,00 KM (slovima: tridesetjednihiljadatristotinepedestšest KM), sa PDV-om.

2. Zadužuje se Služba za finansije i zajedničke poslove da obavijesti učesnike u konkurentskom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti ove Odluke.

3. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

### **O b r a z l o ž e n j e**

Postupak javne nabavke - Nabavka agregata za alternativno napajanje električnom energijom operativnog centra i sjedišta zgrade Civilne zaštite,, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem konkurentskog postupka, objavljenog na Portalu javnih nabavki, broj obavještenja 422-7-1-252-3-104/15 od 06.11.2015. godine.

Zapisnikom sa otvaranja ponuda od 19.11.2015. godine konstatovano je da su pristigle tri ponude u roku određenom za dostavu istih i to:

1. «BAUCOMMERC» d.o.o. Sarajevo sa ponudom u ukupnom iznosu od 31.356,00 KM sa PDV-om,
2. «GEEKOM» d.o.o. Sarajevo sa ponudom u ukupnom iznosu od 32.994,00 KM sa PDV-om
3. «PRUNUS» d.o.o. Sarajevo sa ponudom u ukupnom iznosu od 34.983,00 KM sa PDV-om.

Uvidom u dostavljeni Izvještaj o radu Komisije i preporuku za dodjelu ugovora broj: 09-49-24500/15 od 27.01.2016. godine, utvrđeno je da:

Ponude firme «GEEKOM» d.o.o. Sarajevo i « PRUNUS» d.o.o. Sarajevo ne ispunjavaju kvalifikacione uslove koji su specificirani tenderskom dokumentacijom i to:

Ponuda firme «GEEKOM» ne ispunjava kvalifikacione uslove koji su specificirani tenderskom dokumentacijom i to iz:

-tačke 3.2.8. ponuđač nije dostavio listu izvršenih ugovora koji su realizovani u posljednje tri godine sa vrijednostima, datumima i primaocima roba, kao dokaz da je dobavljač uspješno izvršio jedan ugovor koji za predmet imaju ovakav ili sličan predmet nabavke, kao ni Potvrdu koju su izdali naručiocu roba, a koja obavezno sadrži: naziv, sjedište ugovornih strana, predmet ugovora, vrijeme i mjesto izvršenja ugovora i navode o uredno izvršenim ugovorima.

Ponuda firme «PRUNUS» d.o.o. Sarajevo ne ispunjava kvalifikacione uslove koji su specificirani tenderskom dokumentacijom i to iz:

-tačke 3.2.7. ponuđač nije dostavio potvrdu od Centralne banke BiH o stanju računa, ne stariju od 90 dana;

-tačke 3.2.8. ponuđač nije dostavio listu izvršenih ugovora koji su realizovani u posljednje tri godine sa vrijednostima, datumima i primaocima roba, kao dokaz da je dobavljač uspješno izvršio jedan ugovor koji za predmet imaju ovakav ili sličan predmet nabavke, kao ni Potvrdu koju su izdali naručioci roba, a koja obavezno sadrži: naziv, sjedište ugovornih strana, predmet ugovora, vrijeme i mjesto izvršenja ugovora i navode o uredno izvršenim ugovorima;

-tačke 3.2.9. nedostaje popis dokumentacije koja je priložena uz ponudu.

Kako ponuda ponuđača «BAUCOMMERCE» d.o.o. Sarajevo jedina ispunjava kvalifikacione uslove koji su specificirani tenderskom dokumentacijom, a s obzirom na to da ponuđena cijena prelazi budžetom utvrđena sredstva za ovu namjenu, to je Komisija uputila zahtjev Službi za finansije i zajedničke poslove u cilju obezbjeđenja dodatnih sredstava za predmetnu nabavku. Služba za finansije i zajedničke poslove je dana 25.01.2016. godine dala saglasnost na zahtjev Komisije i obezbijedila dodatna sredstva u iznosu od 1.356,00 KM.


Na osnovu gore navedenog, a u skladu sa članom 70. stav 1. Zakona o javnim nabavkama ("Službeni glasnik", br. 39/14) i člana 14. stav 2. tačka 1. Pravilnika o nabavci roba, vršenju usluga i ustupanju radova, br. 09-05-26263/15 od 27.11.2015. godine, odlučeno je kao u dispozitivu Odluke.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Sarajevo, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za finansije i zajedničke poslove
2. U spis



Općinski načelnik  
Semir Efendić